

ITLF BULLETIN

A Publication of ITLF Media & Publicity Department

VOLUME 1/ISSUE NO 13

INDIGENOUS TRIBAL LEADERS' FORUM

MONDAY 22 MAY 2023

Mizoram a zin heutute akipan report ngaihkhia om

Zan in Lamka Medical College Auditorium ah nam inpi, philanthropic organisation, student organisation leh ITLF department teng mai ah Aizawl a va zin ITLF heututen report pia uhi. ITLF Secretary Pu Muan Tawmbing in Aizawl zinna report pia a, tribe heutu teng Zomi Council tel in a va kalsuan ahih dan uh gen hi. Kangpokpi lam a heutute le tel hoih ua, Delhi a kipan MTFD heutute le tel uh ahih dan gen hi. May 16, 2023 ni in Lamka akipan kalsuan khia ua, May 17 ni in i MLate makaihna in meeting nei uhi. Hiai meeting ah Aizawl a om Manipur based Joint Orgs le tel uhi. Hiai hun a MLA omte ahih leh Paolienlal Haokip, Ngursanglur Sanate, Letzamang Haokip, Chinlunthang Manlun, Kimneu Hangshing, Nemcha Kipgen, Letpao Haokip, LM Khaute leh Vungzagin Valte tang a khat hi uhi. Haokholet Kipgen ahih leh security lam buaipih a neihziak in telthei lou hi.

May 12 ni a MLA 10 in declaration a bawl uh lenkip ding uh ahih dan MLA ten gen ua, Delhi a Union Home Minister Amit Shah kimuhpih ua, Manipur govt akipan total separation a deihdan uh gen ua, Forest Policy paidan diklou tuamtuum zang a singtangmite gam suhsak a om ahih dan, hiai buaina toh kisai a Meitei radical group Arambai Tenggol-te leh Meitei Leepun te panlak dante pulak uhi. Huai banah ah sinlai naupangte leh govt a sepna neite maban di bang le genpih uhi. BJP HQ ah hiai dan mah thu va tut uh ahih dan i MLA ten gen uhi.

ITLF leh heutu hong paikhawm teng kiang a tua 12 May ni a MLA ten separate administration toh kisai thupukna a lak uh pompoh hina uhiam chih dotna bawl ua, a paikhawm heutu ten kilungtuaktak a pangkhawm ding ahih dan uh gen uhi. KIM, ZC leh ITLF in Core Committee khat bawlkhiak

ding in thupukna la uhi. Pu Muan Tawmbing in hiai toh kisai a genna ah innpi ten Committee hon sap kin ua leh manbaih leh semkhe baih ding ihih dan gen a, ITLF bel mansa gige ahih dan le mipi paikhawmte mai ah gen hi. Core committee kibawl khiakma pawl tuamtuum in sum donlough phot ding chi hi. Meitei govt toh kihouna himhim neihlough di, central govt kia toh kihouna neih ding chi a, core committee bawlkhiak zoh chia public consultation khat nei ding lemsak ahih dan le gen hi.

MZP, CYMA, Mizoram CM leh Speakerte a zing May 18 in kimuhpih ua, Manipur gam a zosuante buaina thuakpih mahmah ahih dan uleh kong bangkim a pang ding ahih dan heutute ana genpih ua, khamuan huai mahmah chi gen hi.

ITLF Chairman Pagin Haokip in CYMA te thugen khat gen a, *"piangthak na hita ua, kipah huai lua. Na nungtolh non louh ding uh ahi"* chi hi. Nungtolhna di mun ka neinawn kei uh chi in aman dawng hi.

Delhi akipan MTFD Convenor Pu N. Vumsuan in i buaina zia un May 4, 2023 ni in MTFD hingsak nawn uh ahih dan gen hi. Delhi phualpi mun a pan a lak dan uh gen a, supreme court a case abawlte uh gen hi. Amit Shah leh RSS heutute akimuhpih dan ule gen a, NEET leh CS exam mun tuam a saina dia pan a lakdan uh le gen hi. Meghalaya CM le kimuhpih ua, Central govt a mi poimoh tuamtuum mu a pan la ahih dan uh gen a, MTFD in Delhi a Transit Home khat enkai lel ahih dan uh taklang hi.

Finance Convenor Henkhopao Haokip, Steering Committee Convenor H. Mangchinkhup leh Media Cell Convenor Ginza Vualzong ten amau department chiat ua kipan update bawl uhi.

Hun honna Rev Stephen Chinzathang in nei a, Upa Chinkhenpau in tawpna thumna nei hi.

Kangchup a kikaptuahna om

Zan nitak dak 6/7 vel in Kangpokpi Saitu District sung a Kangchup K. Geljang kho kimvel lak ah Arambai Tenggol ten va kap ua, Village Volunteer ten le kapthuk uhi. Kikapna husa hun bangtan hiam om a, Army ten kikaptuahna va kholsak uh hi.

Eastern Command, Kolkata in Lamka hong pha ding

Lt. Gen. K. Singh, Eastern Command Kolkata in zing Chiang in Lamka a heutute kimuhpih ding in hong pai ding chih thutut kiza hi. Tuni in Imphal ah Manipur a Army lianpen kimuhpih ding hi.

FIR BAWL KIN NGAI

Tutung i buaina ua si leh liam, biakinn kisusete, inn kisusete leh property kisusete FIR bawl teitei ding ahi. Lamka mun a omlou ten le na omna mun Police Station chiat uah 'zero FIR' bawl theih ahih man in, ana bawl chiat ding in i kitheisak ahi. Hiai toh kisai ITLF Legal Cell in hon makaih ding uh ahi. FIR na bawl khit chiang un ITLF Media Cell office ah copy khat hong koih zel ding in i kingen ahi.

ITLF Legal Cell Contact Persons: George Munluah - 9862276484 | Nangzakai - 8119042400

**TOTAL
FIR FILED 672**

*Lamka: 300 Moreh: 160 KPI: 212

KIPATHU

ITLF Media Cell panpihna hong luttou zel a, zan in Thawmsons Press ten Paper rim 10 hon pia ua, Esther Muivah in theitui man di hon pia hi. Amaute tung ah kipathu i gen ahi. Media Cell panpih utte kipahpih ahi gige uhi.

SNo	Relief Centers	Total Centers	Number of Displaced
1	YVA	5	3267
2	ZYO	1	313
3	KKL	38	3483
4	YPA	3	184
5	HYA	5	511
6	SYO	1	65
7	YMA	2	869
8	Dorcas Veng	1	77
9	Mizoram	7	6993
10	EBC	8	126
	Total	54	15,888

Confirmed Dead: 41

Unconfirmed Dead: 50+

Injured: 195*

Churches Burnt: 220+

Churches Adm/Quarters burnt: 73+

Villages burnt: 112+

Houses Burnt: 1531

**FINANCE
UPDATE**

Income: Rs 32,90,500
Expenditure: Rs 28,50,911
Balance: Rs 4,39,589

TUTAN MISI CONFIRMED THEIhte

No	Name	No	Name
1	Lalthansang	22	Henlalsiem Gangte
2	Alex Jamgoumang Baite	23	Dallamthang
3	Zamkhogin Baite	24	Lunginlal
4	Kamkhogin Kipgen	25	Thanghoulal
5	Kamlallian Vaiphei	26	Thanggoulun
6	Chonkholen Haokip	27	Khuplunthang
7	D. Haokholet Haokip	28	Jangminlun Khongsai
8	Thenminlal Haokip	29	Satgoukai Singsit
9	Khajiamang Haokip	30	Haominlen Chongloi
10	Nianghoihching Simte	31	Veinem Chongloi
11	Kimmalsawm	32	Helam Chongloi
12	Mawikhenmung	33	Hekim Chongloi
13	Ginlalzui Gangte	34	Florence Nengpichong
14	Jangpao Haokip	35	Olivia Lhingneithem
15	Douthang Haokip	36	Khaikholam Haokip
16	Lalnikham Khawbung	37	Ngamthang Lungdim
17	Lunkholal Haokip	38	Jamkholal Lungdim
18	Thangkhanlal	39	Soitinkam Vaiphei
19	Gouzavung	40	Nengkhoulun
20	Goulalsang	41	Laldinthanga
21	Paulalmuon		

Vaiphei Chief Assn in mohpaihna thu suah

The Phowaibi Area Vaiphei Chief Association (PAVCA) Kangpokpi in 33rd Batalion AR D'Coy tung a mohpaihna thu suah uhi. Arambai Tenggol te akipan vengbitna a nget uh a nawlkkhin ziaak un Army-te tung ah mohpaihna thu suah uhi. Thusuah in a genna ah date 3/4 May ni in pata nih leh pasal khat meitei ten that ua, numei 3 rape uh ahih dan le gen uhi.

RELIEF SUPPORT

Office: 1st Floor, LMC Admin Block

Contacts:

Mangcha Thangzom – 8837368373 (Convenor)
V. Gouthianmuan - 9862086583 (Co-Convenor)
H. Sangpi - 8974782684 (Co-Convenor)

FINANCIAL SUPPORT

Office: 1st Floor, LMC Admin Block

ITLF Joint Bank Account:

Name: Henkhopao Haokip & N. Vialkhanthang
Account No: 41912626404
IFSC: SBIN0064016 | Bank: SBI Salbung Branch